



Број: 01/5-50-3-5-10/12

Сарајево, 31.1.2012. године

**IZVJEŠTAJ O RADU KOMISIJE ZA SAOBRAĆAJ I KOMUNIKACIJE
PREDSTAVNIČKOG DOMA U 2011. GODINI**

Sarajevo, januar 2012. godine

Na osnovu člana 31. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06, 91/07 i 87/09), Komisija za saobraćaj i komunikacije Predstavničkog doma Parlamentarne skupštine Bosne i Hercegovine, na 10. sjednici, održanoj 31. 1. 2012. godine, usvojila je

Izveštaj o radu Komisije za saobraćaj i komunikacije Predstavničkog doma u 2011. godini

Uvodne napomene

Komisija za saobraćaj i komunikacije Predstavničkog doma Parlamentarne skupštine Bosne i Hercegovine (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom). Djelokrug Komisije određen je članom 45. Poslovnika Predstavničkog doma Parlamentarne skupštine BiH prema kojem Komisija razmatra pitanja koja se odnose na: putne isprave, boravak i kretanje stranaca, odnose s Interpolom, uspostavu i funkcioniranje zajedničkih i međunarodnih komunikacija, reguliranje međuentitetskog saobraćaja, kontrolu zračnog saobraćaja, kontrolu frekvencija i druga pitanja iz oblasti saobraćaja i komunikacija.

Predsjedavajući Komisije je Petar Kunić, prvi zamjenik predsjedavajućeg je Mirza Kušljugić, a drugi zamjenik je Božo Ljubić. Ostali članovi Komisije su: Borislav Bojić, Ismeta Dervoz, Zijad Jagodić, Šemsudin Mehmedović, Mirsad Mešić i Nikola Špirić.

Nikola Špirić nije prisustvovao sjednicama Komisije, s obzirom da obavlja dužnost predsjedavajućeg Vijeća ministara BiH u tehničkom mandatu, do izbora novog Vijeća ministara BiH.

Sekretar Komisije je Ahmed Jalovičić.

Komisija je aktivnosti zasnivala na Planu rada Komisije za period juni-decembar 2011. godine, te obavljala poslove iz svoje nadležnosti u skladu s procedurama utvrđenim Poslovníkom Predstavničkog doma.

POGLAVLJE I. SJEDNICE KOMISIJE

Odjeljak A. Statistički podaci o sjednicama

U izvještajnom periodu Komisija je održala devet sjednica, s ukupno 35 tačaka dnevnog reda, u okviru kojih je usvojila 20 zaključaka.

Na 4. sjednici Komisije, održanoj 21. 7. 2011., usvojen je Izvještaj o radu Komisije za 2010. godinu.

Na 4. sjednici Komisije, održanoj 21.7.2011., usvojen je Plan rada Komisije za period juni-decembar 2011. godine.

Osim zakonodavnih aktivnosti, potrebno je istaknuti razmatranje i informacija, izvještaja i drugih akata iz nadležnosti Komisije, kao i aktivnosti koje je Komisija sama inicirala.

Prosijek prisustva članova Komisije sjednicama Komisije je 71 %, a sjednice su u prosjeku trajale 59 minuta.

Odjeljak B. Zakonodavne aktivnosti

Komisija je u 2011. godini razmatrala tri prijedloga zakona koje je u parlamentarnu proceduru uputilo Vijeće ministara BiH, i to:

1. Prijedlog zakona o izmjenama i dopunama Zakona o Javnom radiotelevizijskom sistemu Bosne i Hercegovine, negativno mišljenje Komisije – Predstavnički dom je na 3. sjednici, održanoj 22.6.2011., prihvatio negativno mišljenje Komisije, pa je Prijedlog zakona odbijen u prvom čitanju;
2. Prijedlog zakona o putnim ispravama Bosne i Hercegovine, negativno mišljenje Komisije – Predstavnički dom je na 5. sjednici, održanoj 14.7.2011., prihvatio negativno mišljenje Komisije, pa je Prijedlog zakona odbijen u prvom čitanju;
3. Prijedlog zakona o međunarodnom i međuentitetskom drumskom prijevozu, negativan izvještaj Komisije – Predstavnički dom je na 13. sjednici, održanoj 10.11.2011., prihvatio negativan izvještaj Komisije, pa je Prijedlog zakona odbijen u drugom čitanju.

Odjeljak C. Izvještaji o radu

U izvještajnom periodu Komisija je razmatrala izvještaje o aktivnostima institucija Bosne i Hercegovine za koje je nadležna komisija, i to:

1. Izvještaj o radu i finansijski izvještaj Agencije za poštanski saobraćaj BiH za 2010. godinu;
2. Izvještaj o radu Državne regulatorne komisije za električnu energiju za 2010. godinu;
3. Izvještaj o radu Vijeća ministara BiH za 2010. godinu radi dostavljanja mišljenja Predstavničkom domu o aktivnostima iz djelokruga Ministarstva komunikacija i prometa BiH;
4. Izvještaj o radu i poslovanju Radiotelevizije BiH za 2010. godinu;
5. Izvještaj Vijeća ministara BiH o aktivnostima na projektu „Autoput na Koridoru 5c“ i plan narednih aktivnosti.

Odjeljak D. Imenovanja

U izvještajnom periodu Komisija je razmatrala i sljedeće prijedloge za imenovanje:

1. Prijedlog Vijeća ministara BiH za imenovanje člana Državne regulatorne komisije za električnu energiju iz Republike Srpske;
2. Imenovanje predstavnika Komisije u Vijeće za sigurnost saobraćaja na putevima BiH;
3. Razmatranje rang-liste kandidata za člana Upravnog odbora Javnog radiotelevizijskog servisa Bosne i Hercegovine iz bošnjačkog naroda.

POGLAVLJE II. OSTALE AKTIVNOSTI KOMISIJE

Odjeljak A. Javne rasprave

Komisija je organizirala Javnu raspravu o temi: „Projekat Autoput na Koridoru 5c – intenziviranje realizacije planiranih aktivnosti”, koja je održana 5.10.2011., a osim članova Komisije, poslanika i delegata u Parlamentarnoj skupštini BiH, raspravi su prisustvovali i: predstavnici Ministarstva komunikacija i prometa BiH, Ministarstva finansija i trezora BiH, entitetskih ministarstava za saobraćaj, prostorno uređenje i zaštitu okoliša, predstavnici kantona i općina, Direkcije autocesta FBiH, kao i drugi predstavnici zainteresiranih institucija i organizacija.

Komisija je, na osnovu mišljenja i prijedloga iznesenih na Javnoj raspravi, a s ciljem intenziviranja aktivnosti na projektu Autoput na Koridoru 5c, predložila odgovarajuće zaključke koje je usvojio Predstavnički dom na 13. sjednici, održanoj 10.11.2011.

Odjeljak B. Međunarodna saradnja, seminari, konferencije i radni sastanci

Članovi Komisije Mirza Kušljugić i Mirsad Mešić učestvovali su na regionalnoj konferenciji „Energija, razvoj, demokratija: Oblikovanje nove energetske budućnosti jugoistočne Evrope“, koja je održana u Beogradu, od 17. do 19.10.2011.

Odjeljak C. Saradnja s drugim institucijama i organizacijama

Komisija je imala kontinuiranu saradnju s Vijećem ministara BiH i resornim Ministarstvom komunikacija i prometa BiH, pa su tako sjednicama Komisije prisustvovali njihovi predstavnici, koji su učestvovali u raspravama o zakonima i aktima koji su razmatrani na sjednicama.

Također je ostvarena i dobra saradnja s Vanjskotrgovinskom komorom BiH, čiji su predstavnici prisustvovali sjednicama Komisije.

Odjeljak D. Opća procjena

Na osnovu navedenih aktivnosti, može se zaključiti da je Komisija u domenu zakonodavnih i drugih aktivnosti gotovo u potpunosti realizirala postavljene zadatke utvrđene Planom rada Komisije.

Komisija je nastojala kontinuirano djelovati na poboljšanju stanja u oblastima za koje je nadležna i stoga je predlagala određene zaključke, kojima se od Vijeća ministara BiH i Ministarstva komunikacija i prometa BiH tražilo preduzimanje odgovarajućih aktivnosti s ciljem unapređenja stanja u sektoru saobraćaja i komunikacija.

Sastavni dio Izvještaja čini tabelarni pregled prisustva članova Komisije sjednicama.

PREDSJEDAVAJUĆI KOMISIJE
dr. Petar Kunić

PREGLED PRISUSTVA SJEDNICAMA KOMISIJE ZA SAOBRAĆAJ I KOMUNIKACIJE

R.br.	Ime i prezime člana Komisije	Broj sjednice i datum održavanja sjednice Komisije								
		1	2	3	4	5	6	7	8	9
		9.6.2011.	16.6.2011.	6.7.2011.	21.7.2011.	23.8.2011.	5.9.2011.	25.10.2011.	1.12.2011.	14.12.2011.
1.	Petar Kunić	+	+	+	+	+	+	+	+	+
2.	Mirza Kušljagić	+	+	-	-	+	+	-	-	-
3.	Božo Ljubić	-	-	+	+	+	-	+	+	-
4.	Borislav Bojić	+	-	+	+	+	+	+	-	-
5.	Ismeta Dervoz	+	+	-	-	+	+	+	+	+
6.	Zijad Jagodić	+	+	+	+	+	+	+	+	+
7.	Šemsudin Mehmedović	+	+	+	+	+	+	+	+	+
8.	Mirsad Mešić	+	+	+	-	+	+	+	+	+

Napomena: Svi navedeni izostanci su opravdani.